

Num. 14. 7.  
4. 13.

2. Cor. 7. 2.

Eph. 4. 15.

Philip. 3. 14.

Land/ außgenommen Josua vnd Caleb; Denn sie gedachten nicht für sich / wie sie möchten dahin kommen/ sondern stets hinter sich/bald zogen sie ein wenig forth/ baldt wolten sie einen Hauptman auffwerffen / der sie wieder zurücke in Aegypten solte führen/ Num: 14. 4. 23. Wie wollen wir Christen / die wir durch Christum auß dem Heydenthumb geführet/ dan ins gelobte Land zur Seligkeit kommen / dieweil wir auß vnserm Christenthumb/was leben anlanget / gar wieder ins finstere Lasterhafte Heydenlandt gezogen sind? Ziehen wir ein wenig hinein. oder hinauff/ wenn wir eine Predigt anhören/so gehen wir doch alsobald wieder zurücke/ leben vnd bleiben in Hochfarth/ Hurerey/ Schinderey/ vnbarmhertzigkeit/ Geiz/ Zorn/ Lästern zc: Do wir doch solten fort gehen in vnserm Christenwandel/ vnd fortfahren mit der Heiligung/ 2. Cor: 7. 2. stetig wachsen in der erkendtnuß Gottes vnd Christi/ vnd in allen sücken an den/ der das Haupt ist Christus/ Ephes: 4. 15. Vnd alles selenger vnd mehr was hinder vns ist / Was die Heyden vns im alten Heydenthumb verlassen/ vergessen/ vnd vns zu dem das da fornen ist/ strecken/ vnd nachjagen dem fürgesteckten Ziel / nach dem Kleinot/ welches fürhelt die Hunliche beruffunge Gottes in Christo Jesu/ Philip: 3. 14. Aber/ wie gemeldet/ auß Aegypten wollen wir gar nicht herauß / es mögen Lehrer vnd Prediger auch sagen entweder von dem Himmel oder Helle/ Vnd wir sonderlich heut zu Tage/ sind nicht ein Fuß chritt vom Heydenland / wie gnugsamb o Fenbahr: bisweilen kucken wir nur ins Leben Christi hinein/ Aber das wir in Christo recht schaffen zu leben/ vnd dornitziglich zuwachsen solten anfangen/ vnd mit

den